


INDI AYOKAKOL’EMI?



Ogaela obe ende ga Satana (1 Yoani 3:8)

Bwina bo yenga yimɔa yembaande molaisa mboli yilo yi Yesu mweta yiula yi mokondi molene go huma ye Basoto. Mokondi mwahɔ la mogali gande la baito baiye besonganaande mbo boamiye Liogi li lɔngia-Ōngia. Liogi lyahɔ liolio liagota mo maopi mabo. Abwina bombo Liogi lyahɔ liengae lihia la liuhisia.

Gee gembe emi mobea, mogali ga mokondi apanga olela angandu. Aemala oliolo, mweta ye olela bwande geɔhɔ ataa bima: “Indi ayɔɔtol’emi? Uhes’emi, yengae a looso mo liopi lyami. Emi moto mobe la moto ga ngandi. Indi agelana uhes’emi? Indi ayɔɔtol’emi mo mokobe mwe mo logwo? lele gani? Enu batubu bolubiy’emi. Emi mogali ga mokondi, yengae ambwale ɔmɔa gaino obasembogela lɔngia-Ōngia gee a gee. Yabito mo mbeo yi lɔngia-Ōngia bilanga metuku mele, yo mbeo yitubu yiti moel’emi gea la gemoa. Yiti mootoga mo obe. Obe botael’emi. Yengae momwi mo magana la moloi mo baito. Mago mami masegama abwina boela magana, magana gea gebe. Obe botabund’emi mago a maolo, emi ye mo bayaka ba lifelo.”

Mogali ga mokondi alelale abohia, angaa se ela ata imbembe: “Indi ayokakol’emi? Indi ayocotol’emi mo obe bwe? Yendelemba to longia-Ongia, ango galo obe bongae molut’emi go lifelo. Yeloande mona gai a gelenge ge: Yetolaande ge go mɔɔngo indi yamwa angandu, emi ɔɔɔ auma se; emi ɔɔɔ aumela mona go motshwe ela asinga. Uhis’emi: Kakol’emi mo logwo lwe. Mbeo yi bapakano yitiugis’emi la yea; osemɔɔgela bwai botiugis’emi. Indi ayocgelana uhis’emi? Indi ayokakol’emi?”

Emi ɔɔɔ abinogesela ge: Gɛɔɔi gengae ago, bwangotatanya, baito batubu bengambwale a looso ambwage. Maogi maocsel’age mbisa, mweta olela bwago, mengae mo buku bo longia-Ongia: (Baloma 7:15-25) endebegis’esu gelenge geandana obe bwandana aiso, la endelubisa ambwale esu moto agelana okakol’esu. “Mongae gɔɔɔ yendeluba mo, moti mweta yami, abwina bombo, mweta ye bindo byami yengae akamo yotonga ɔɔɔ, itito a ohia botonga ɔɔɔ bwaho. Abwina bogi iti motonga ɔɔɔ obwalemb’emi, la yengae to motonga obe obotiambo yelemba.” Obe bongae mweta yami bwendetom’emi sebaa ombo yitonge obe, lambo ɔɔɔ bongae ami akamo yotonga, iti moela bɔ. Abwinambo gea ogengae mweta yami yendesagela a mendi me longia-Ongia; ohwate ambo mendi miasinale mengae mweta mago a maolo mami, mendelona a mendi me magelegi mami, la matasel’emi mɔkobe mo mendi myobe. Gombisa gaa bima byago bigagaande mo liopi li moto la moto: “Emi moto ga ngandi. Indi ayokakol’emi? longia-Ongia oend’esu la ekakolend’esu; mbo totatany’ande.

OBINOLYA


“Gelɛmɔ gelɔngɛnɛ gongae longia-Ongia abwina bo Yesu Masiya” (Baloma 7:15-25). “Mongaambo mbo Mona akakol’enu, owanga enu ɔɔngɛnɛ bana baote.” (Yoani 8:36). Yesu ende gebinoli mo matundi maiso matubu. Obinolya mo litundi lyago. Lina lyasina litigo liagelana mbo tuhee a lyo “Misala” 4:12. O Yesu geangene ndeangelana uhis’esu mo obe bwiso. Liila lyande libelegaande se mo gekulusu, o lio nde liagelana opul’esu obe bwiso botubu. Mothsa kanga la emoa, mosandu la limɔa, molemba la momɔa, moto la omoa, mopalesi, linginda la limɔa, agelanite uhis’age mo obe. O Yesu geangene Mɔna ga Kandolo ye longia-Ongia, mɔɔtoli mo obe mo huma, oge ndeagelana uhis’age a liila lyande la opia bo Mwenda Mɔɔɔ mwande.

Yesu Mona gi longia-Ongia eyaande mo huma ɛnɛ oya olubola baito ba bupa maiso, la oyanyenya mokobe mo bayaka la oyanyenya obengae mo liima (Yesaya 42:7). Yesu gambo: “Moto la moto ogatonga obe engae mɔkobe mo mbeo yibe; mongaambo mbo Mona akakol’enu owanga enu ɔɔngɛnɛ bana baote.” (Yoani 8:34-36).

Yesu Mona ga longia-Ongia etolende obe bwiso motubu mo bindo byande

go liolo li gekulusu.

Obe bwino botiale go liolo li gekulusu lɔngɛnɛ, etolende ngandi yiso la looso lwiso. Epelaande, la etobamaande abwina bobɛ bwiso Itunbo yahɔ yume go liolo lyande yap'esu gehɔi la ya uhis'esu. (Yesaya 53:3-7).



Balaba embaande moto mobe la moloi mo baito, ogegumbamaa mbo baloe ge. Egelanaande mbo angwe mo gekulusu, Yesu aosa gesse gyande la atola gekulusu ageongo Balaba ongwela. Yesu Mona ga lɔngia-Ŋngia engwende mwisee yi Balaba, la yago la oyai. Ogaongo ongwa asiyama abwina bo mbo gasina angwa isee yande. Age la emi twende Balaba. Lifao li obe, logwo; lifao li bwasi liuha boloongo-a-loongo, Yesu Kilistu, ogepaa lɔngia-Ŋngia pua yiso.

Boleta mbo a wimiya gekulusu ge Yesu bwena nde age angɛnɛ mbo obe bwago botaane go. Yesu eɔsaande gesee gyago mo gekulusu mbo buhee loongo. Ebelaande liila lyande se abwina bomɛsɛgɛla obe bwango. lɔngia-Ŋngia elembaande huma angandu, eela apa Mona gande omoa mbo bwango-ngwale anga mbo bongae a uha boloongo-a-loongo.

Gosilaa mogali ga mokondi oa maogi mɔ, geɔhɔ aimilia Yesu angandu, geɔhɔ atapa liopi lyande gongae ogengwele ge mo gekulusu, ogebelaa liila lyande lilobuno se abwina bosogola liopi lyande mo obe botubu. Ela apa liopi lyande oliyale aobe gwangae lɔngia-Ŋngia. lɔngia-Ŋngia apa ge liopi liogiogi oliyale a Mwenda Molo. Atito mbo ogalo ela amɛsɛgɛla ge obe bwande botubu la ela atɔla ge mweta ohia la mokobe mobe.

Otogaa bilanga biye enduha ogiogi loló. Amwitale magana la lianga; engae muha loló oenisa mbo engae mweta yelóongene, la olubisa mbo: “moto engae mweta e Yesu, engae gea geogiogi, mbeo yigologolo yitaeta; letaa bia bitubu bitangaa biogiogi.” (2 Bakolinto 5:17).

Age ambwale mobali, bogelanande wotoga mo obe andole yuimiyela Yesu Kilistu. Mokondi Yesu abea: “Yoi gonga emi enu batubu bea bihehe la malito; Yepend’enu geohomelo.” (Matayo 11:28).

Yoi go ngae Yesu ogalo bongae enu ango bongai goni. Lubisei ge looso lwino lotubu. Ailit’enu mbo bwigi magu ande a liopi lingandi, la wimiya. Mongaambo mbo bongae mokilistu mogologolo, la mbo bwandane a obe, yoo gongae Yesu. Ekakolande age ogiogi gelenge gemoa ogalo uhisaa ge moto ga singa la ogatienese. Yesu engae gelenge gemoa la eglana nde uhisia liopi lingandi la okakola mokobe. “Gε̄ōh̄ō amε̄segelia obe bwami botubu, auhisia male mago matubu.” (Mε̄gele me Bayuda 103:3).

Mongaambo mbo botapa liopi lyago gongae Yesu, begisia baito basina indi uhisie age. Esu ambwele tolembande ugia mboli yino.

Le livre du “Coeur de l’homme” peut être obtenu en plus de 500 langues et dialectes parlés dans le monde entier, à savoir: Afrique, Amérique, Asie, Extrême Orient, Europe.

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)